

GRAUZONEN

S'isch Lihga - Zit und Fürwehr-Träffa, Staatsfiirtig und Muurer-Fäscht
Heiderdaus - a bombastimmig
A Biarle döt a Schnäpsle do - warum luagt der Typ so grimmig?
Jetzt langt's mer denn - I nimm no ääs...
A Glas zviel do, an Schnaps zviel druff - beianander ischt an Hammer-Suff

GRAUZONEN ? - BLAUZONEN!

Jetzt no a falsches Wort, an blöda Sproch - denn isch der Chog denn fällig!
Es kribblat mi scho i da Füass und wanderet langsam uff
D'Fuscht no im Sack, dr Bizeps gspannt... dia Gefühl - dia sind mer
wohlbekannt.
I säch no no rot - es tuat an Schnall - und kunnt a fadagradi

GRAUZONEN? - RADAUZONEN!

Im Grecht häästs d'Nasa dia sei krumm und tei erscht no an huffa koschta
Blöderwiis ned zum erschta Mol - warum häts mi scho weder troffa?
Der Richter seet - a letschti Chance...du schtohsch ächt im Schilf!
Und drum wäscht was? I säg der aas - du gosch zur Bewährigshilf.

S'Läba könnt so friedlich sii ... met feina Emotiona
An liaba Maa und netti Fründ und tolli Jasskollega
Doch leider, leider, leider siaht das min Nachbar ned a soo und oh ned sini
Frau
Hinter sim 3 Meter hoha, betoniarta Gartazuu... hör I doch albig no: du blödi
blödi S a u

GRAUZONEN? - SAUZONEN!

I bi miar känera Schuld bewusst - was han I denn dena tua?
A betz im Dorf grad ummagschwätzt und Schnägga dorigworfa
Amol an Witz, a nätti Geschta... es häts ned liida möga... jetzt isch sie aus dia
Ruah.
Aber das muass i miar ned bütta lo
Schnell isch mis Loftgwehr glada, a kliises Schössle no i d`Loft zum d'Vögile
verjaga.

GRAUZONEN? - PFAUZONEN

Es glob i ned, dr Meier vom Huus 103 - hätt Azäg kmacht bir Polizei!
Dr Staatsanwalt mänt, des könnt ma regla, met ämna wo vermittla ka
Vielecht wär's guat zom dröberd reda, was du kmacht häscht und i ha tua

GRAUZONEN? - TAUZONEN

S'Kriagsbeil wetten miar scho vergraba und di wiisa Fahna schwenka
Wetten weder gnüsslich läba - näbatand und oh im Freda.

Es git do därna, set dr Staatsanwalt - dia helfen eu do usem Schilf
Wössender was? Gond doch ihr zur Bewährigshilf!

Des nächtens durch die Strassen ziehn - met Kumpels und Radau
An Bluamatopf, der flüegt durch d'Loft, s' ischt ned min ägna gse.
Jetzt suach i grad no an Mercedes und knick em ab sin Stärn
Es ischt an glatta Obed gse, des mag i huara gärn.

GRAUZONEN? - SCHLAUZONEN

Am nögschta Morga s'flau erwacha, d'Erinnerig kunnt...
Was macht der Filzstift i minera Hand? I ka doch gär ka Graffiti macha....
Irgendwia isches geil gse... und doch ned rächt... i kumm ned druuss
Wia kumm i us dera Nummera jätzt bloss weder uss?

GRAUZONEN? - FLAUZONEN

Dr Papa kunnt met zur Polizei - äääh, I wär denn jetzt an Selbschtmälder
Doch dr Mercedes Bsitzer ischt schnäller gse - botzverrockt wäg dena Kälber
D'Aazäg ischt bir Schtaatsawaltschaft - er tei denn bald entscheida
wia dia Gschecht denn soll witergo... ma tei sich bi miar mälda.

I dinera Freizeit kasch gi schaffa go set er und der Schada, der muasch zahla
Wia und was - warum und wer - das sägend eu di ääna
Dia helfen diar denn usem Schilf- drum gang jetzt zur Bewährigshilf!